

## Ислом умматига таҳдид қилинган нарса



15:25 / 08.07.2025 1688

هُلِّلَا يَلَّصِدْ هَلَلِ لُؤْسَرَعَمَ بَرَعْمَلَا اَنْيَلَّصَ : لَاقُ هُنَّعُ هَلَلَا يَضَرَّ يَسُوْمُ يَبَّأَنَعُ  
هَلَلَا لُؤْسَرَا اَنْيَلَّعَجَّحَفَ ، اَشْغَلَا يَلَّصُنَّ يَّتَّحُّ سَلَّجَنَ اَنْلُقُ مَّثُ ، مَلَّسَوَّ هَلَّعَ  
اَنْلُقُ هَلَلَا لُؤْسَرَا اِيْمَعَنَ : اَنْلُقُ ، اَنْهَاهُ مُمَّتْلَزَامُ : لَاقَفَ مَلَّسَوَّ هَلَّعُ هَلَلَا يَلَّصَ  
اَمَّسَلَا يَلَّهَسْرَا عَرَّ مَّثُ ، مُمَّتْبَصَا وَ اُمَّتْنَسَحَا : لَاقُ ، اَشْغَلَا يَلَّصُنَّ يَّتَّحُّ سَلَّجَنَ  
يَتُّا مُمَّوْجَنَ لَلَّتَبَّهَذَا اِذْ اِفْ اَمَّسَلَلُ هُنَّ مُمَّا مُمَّوْجَنَ لَلَّ : لَاقَفُ هَلَّعَفَا اَمَّ اَرِيْتَكَنَّا كَوَّ  
يَبَّأَحْصَاوُ ، نَوْدَعُوْ ي اَمَّ يَبَّأَحْصَا اَيُّتُّا تَبَّهَذَا اِذْ اِفْ يَبَّأَحْصَا لُ هُنَّ مُمَّا اَنْ اَوُ ، دَعُوْتُ اَمَّ اَمَّسَلَلَا  
مَلَّسُمُّ هَاوَرَنَ وُدَعُوْ ي اَمَّ يَتُّمُّا اَيُّتُّا يَبَّأَحْصَا تَبَّهَذَا اِذْ اِفْ يَتُّمُّا لُ هُنَّ مُمَّا

Абу Мусо розияллоҳу анҳудан ривоят қилинади:

**«Расулulloҳ соллalloҳу алайҳи васаллам билан Шом намозини ўқидик. Сўнгра «Хуфтонни ўқигунимизча ўтириб турайлик», дедик. Бас, Расулulloҳ соллalloҳу алайҳи васаллам олдимизга чиқдилар ва:**

**«Ҳали ҳам шу ердасизлар?» дедилар.**

**«Ҳа, эй Аллоҳнинг Расули. Хуфтонни ўқигунимизча ўтириб турайлик, дедик», деб жавоб бердик.**

**«Яхши қилибсизлар» ёки «Тўғри қилибсизлар», дедилар у зот. Сўнгра бошларини осмонга кўтардилар. Кўпинча шундай қилар эдилар. Кейин у зот:**

**«Юлдузлар осмон учун омонликдир. Қачон юлдузлар кетса, осмонга унга таҳдид қилинган нарса келади. Мен саҳобаларим учун омонликдирман. Қачон мен кетсам, саҳобаларимга уларга таҳдид қилинган нарса келади. Саҳобаларим умматим учун омонликдирлар. Қачон саҳобаларим кетсалар, умматимга уларга таҳдид қилинган нарса келадир», дедилар».**

*Муслим ривоят қилган.*

Ушбу ҳадиси шарифда Пайғамбар соллаллоҳу алайҳи васалламнинг масжидларида бўладиган суҳбатлардан бирининг мазмуни ҳақида сўз кетмоқда. Пайғамбар соллаллоҳу алайҳи васалламнинг масжидлари ўша пайтдаги Ислом жамиятининг қалби – юраги эканлиги ҳаммага маълум. Пайғамбар соллаллоҳу алайҳи васалламнинг шахслари мусулмонларга ўрнак бўлганидек, у зотнинг масжидлари ҳам ўзга масжидларга ўрнакдир. Ислом жамиятида ҳар бир масжид ўз қавмидан ташкил топган кичик жамиятнинг тинимсиз уриб турган юраги бўлиши керак.

Пайғамбар соллаллоҳу алайҳи васаллам мазкур суҳбатда саҳобаи киромларга ажойиб ўхшатиш ила ўзларининг фазлларини баён қилиб бермоқдалар:

**«Юлдузлар осмон учун омонликдир».**

Юлдузлар осмонда турсалар, осмон омон бўлади. Улар осмоннинг омонлик ишончларидир.

**«Қачон юлдузлар кетса, осмонга унга таҳдид қилинган нарса келади».**

Осмонга таҳдид қилинган нарса унинг низомининг бузилиши ва қиёмат қоим бўлишидир.

**«Мен саҳобаларим учун омонликдирман».**

Осмон юлдузлар билан омон турганидек, саҳобаи киромлар ҳам Пайғамбар соллаллоҳу алайҳи васаллам билан тинч-омон яшар эканлар.

**«Қачон мен кетсам, саҳобаларимга уларга таҳдид қилинган нарса келади».**

Саҳобаи киромларга таҳдид қилинган нарса уларнинг ораларида хилоф ва келишмовчиликлар келиб чиқишидир.

**«Саҳобаларим умматим учун омонликдирлар».**

Осмон юдузлар билан, саҳобаи киромлар Пайғамбар соллаллоҳу алайҳи васаллам билан тинч-омон яшаганларидек, Ислом уммати ҳам саҳобаи киромлар билан тинч яшар эканлар.

**«Қачон саҳобаларим кетсалар, умматимга уларга таҳдид қилинган нарса келадир».**

Ислом умматига таҳдид қилинган нарса ҳавои нафсга эргашиш ва молу дунёга ўч бўлиш каби нуқсонларга мубтало бўлишдир.

Ушбу ҳадиси шарифдан саҳобаи киромларнинг фазллари қанчалик улуғ эканлигини билиб олишимиз керак. Ана шундай улуғ фазл эгалари бўлган зотларни ҳурматлаш ва улардан ўрнак олиш мусулмон умматининг бурчидир.

***«Ҳадис ва ҳаёт» китобининг 21-жузидан олинди***

Ушбу китоб Ўзбекистон Республикаси Вазирлар Маҳкамаси ҳузуридаги Дин ишлари бўйича қўмитанинг 2022 йил 14 сентябрдаги 0307/7030-рақамли хулосаси асосида тайёрланди.